

Gyrfalco flaweza

Gazafi zveri. Riifa *Gyrfalco flaweza* dem batakar bruxeeem ke Nunaata, tigisa koe gazaf aboyikeem ke Mialukugal is banugale tisa dalaf kevik ke befoltafa flaweza, va kazawara va oluafa torigira webeyed. Bak 1396 konak francaj jiomik grolomeyen gan Bayezid I turkaf gazik, ika san-toloya batakafa *Gyrfalco flaweza* zo tunuyayad. Mali XV-eafa decemda, batmani zveri koe dobulaf tegie ke Rossia zo miwad ; dene aboyikeem ke Franca bak XVI-eafa decemda, tev-sanoy korik va bar-decemoya flaweza ke gazik tanon viunsud ! Jontika duga ke *Gyrfalco flaweza* va vetcovera ke lo gazaf aboyikeem riweyed, neken befoltafa flaweza kevik sotir lokaliafa gu wegona viele van wiga estobar. Wori, ke bata tolonya katca, flawezaya sotir jigafa is gamiafa loon dam zveriye.

Gyrfalco flaweza va valentexo ke taiga aala is dalon ruga ginobar, koe azeka lidam meftava kale ontine vas mon 900 m-. Gitir debilitafa ; neken lana flaweza valentu Nunaata isu istu voxis valentu Amerika tici idulugal lamason getalad. Voxen sinafa koyara tandeon me tir lidabrotcafa. *Gyrfalco flaweza* valente Europa is koe Sibira is Alaska is Kanada is Nunaata voxis Islanda belon begamur.

Fiotafo atoxo. To kene krimta loviele zo kakever kire va pistafa dzeta ta atoxo manlize trasir. Kota tolomga va tawayo weimotafa vas 60 iik 600 km² ok dile loon malsaver. Va intafa sinka is tela ke oceem koe bata vema trasir. *Gyrfalco flaweza* va begama me vegedur. Flaweza, tici balemeaksat ok bak alubeaksat, ko suomama fasiayana koe tawa bravon ice butama, va baroyo ok balemoayo ato batakablatofafo is kretsakirafa gu lerge daykar. Voxe va kono atoxo jovleyeno gan ari zveriy ok lixuxo jontikviele impavantar numaze mo vokliha ke aal ok gravida ke kiria va int inker.

Dum ariyoni zveri wivgasi ke naelafa lenteka, *Gyrfalco flaweza* vas autlove dem wivga rupteper. Tod tanda enjapafa gu wivgeem, jontika tolomga me nazbalked.


Abrotce : 53 - 60 cm-.
Aldo : 0.9 - 2 kg-.
Wiltade : 1.20 - 1.35 m-.
Bilrugal : 19 tanda koe grolomexo



Bata tolonya noldafa nitca (*Laoporus mita*) gan *Gyrfalco flaweza* su zo onsed. Bantol kan inaf kotocoom al zo orakome aze fioton fu zo bebbuxar. Tolonya nitinda bilika koe Alaska tid calaba vevya ke flaweza : koe Alaska tid vas 89 % ke inafa mulestura ke koe Norpa dice oupon 96 %.



Gyrfalco flaweza va ipomduonum is lofta is krepya is nudol is prokix vovix seabada-duriolom dum tovukol dere malectur.



Gyrfalco flaweza va gemafa brucka ke kalafi zveri « Italon » metalisi dir. Kadime oral-otso, tinorral va tolesif dema adalafi ke flawezapeem dir. Axackaf inleem va nubeqara va wivga onlaronn sytayara nelkon zasudar.



Gyrfalco flaweza lolenteon bilisa loote tid rive koton batakafa ; tela bejamusa drume aala tid loeke orikafa. Wal bat tolony lugava ord, lukoptafa inda soe kruidled (talteon, flaweza dem otikaf bruxeeem).

Gyrfalco flaweza va konaka amilafa tsalbarerindin malvayer : orostoron va wivgasi, va asi drumotalar ; oke dum battode, poka kiris laze bargeltafa lofta (roneon) begamud, pune va yono jotafa lakro (talteon) lasagalayar.

